

Bosna i Hercegovina  
Federacija Bosne i Hercegovine  
Unsko-sanski kanton  
**Grad Cazin**  
**GRADONAČELNIK**

Komisija za procjenu šteta nastalih  
djelovanjem prirodnih i drugih nesreća



Bosnia & Herzegovina  
Federation of Bosnia & Herzegovina  
Una-Sana Canton  
**City of Cazin**  
**MAYOR**

Commission to assess damage from the  
effects of natural and other disasters

Broj: 01/GN- 44-6793-10/23  
Cazin, 01.09.2023. godine

### SAOPĆENJE ZA JAVNOST

U predhodnih nekoliko dana putem društvenih mreža počele su se širiti dezinformacije vezano za Izvještaj komisije za procjenu šteta nastalih na području grada Cazin zbog posljedica uzrokovanih obilnim kišnim padavinama, te je isti putem društvenih mreža u pojedinim dijelovima objavljen a ne u cijelosti. Takvim načinom djelovanja nekih lica, lažnih facebook profila tj. širenjem dezinformacija pokušava se obmanuti javnost i oklevetati Komisija.

S toga, cijeneći da javnost treba znati tačne informacije a ne dezinformacije ovim saopćenjem u cijelosti iznosimo tačne informacije vezano za Izvještaj komisije za procjenu šteta nastalih na području grada Cazin zbog posljedica uzrokovanih obilnim kišnim padavinama koje se u potpunosti mogu provjeriti u svim dokumentima koji su sastavni dio Izvještaja. Bitno je napomenuti da prilikom usvajanja Izvještaja na sjednici Gradskog vijeća od strane predsjednika komisije isti je u potpunosti obrazložen.

Uredbom o jedinstvenoj metodologiji za procjenu šteta od prirodnih i drugih nesreća ("Službene novine F BiH ", broj:35/04, 38/06 i 52/09) utvrđena je metodologija o metodama i načinu procjenjivanja šteta koje nastaju na materijalnim i drugim dobrima izazvanih djelovanjem prirodnih i drugih nesreća, određuju se organi koji vrše procjenu nastalih šteta i propisuje način njihovog rada, kao i druga pitanja od značaja za organizovanje i vršenje procjena šteta na području F BiH.

Između ostalog, na osnovu Uredbe o jedinstvenoj metodologiji za procjenu šteta od prirodnih i drugih nesreća definisano je da u ukupnu štetu ulazi vrijednost nastale štete i potrebna sredstva za sanaciju nastale štete.

Na osnovu Odluke o proglašenju stanja prirodne nesreće na području grada Cazin zbog posljedica uzrokovanim obilnim kišnim padavinama broj 01/GN-40-6793/23 od 17.05.2023. godine Komisija za procjenu šteta koje nastanu djelovanjem prirodnih i drugih nesreća pristupila je organizaciji aktivnosti procjene nastalih šteta. Obilne kišne padavine su uzrokovale i pojavu velikog broja klizišta i poplava koja su sastavni dio procijenjene štete jer ista su obuhvaćena Odlukom o proglašenju stanja prirodne nesreće na području grada Cazin zbog posljedica uzrokovanim obilnim kišnim padavinama broj 01/GN-40-6793/23 od 17.05.2023. godine

Putem lokalne radio-televizije upućen je poziv građanima da trebaju prijaviti nastalu štetu zbog posljedica uzrokovanih obilnim padavinama. U šalter sali gradske uprave su pripremljeni odgovarajući obrasci na kojima su građani mogli da prijave nastalu štetu. Također, građani su mogli prijaviti štetu i kod jedne od 3 grupe članova komisije koje su bile na terenu i popisivali nastalu štetu. U roku od 20 dana za prijavu šteta podnešeno je 107 zahtjeva.

**Svaki od 107 podnesenih zahtjeva je pojedinačno obrađen, te za svaki zahtjev pojedinačno procijenjena šteta. Ogromnu nastalu štetu zbog posljedica uzrokovanih obilnim padavinama (klizište) je prijavio i član komisije Senad Ždralić ali je isti, kao član komisije, izostavljen iz svog predmetnog zahtjeva tj. nije bio učesnik, a ni potpisnik procijenjene štete nastale na njegovom zemljištu. Klizište koje je prijavio Senad Ždralić obuhvata pojas više parcela različitih vlasnika.**

U tabeli 3. koja nosi naziv Pregled šteta u privatnom vlasništvu nalazi se procijenjena vrijednost štete, a ne nalazi se isplaćeni iznos jer navedeni Izvještaj nije predmet isplate za

naknadu štete. Licima koja se nalaze u tabeli 3. koja nosi naziv Pregled šteta u privatnom vlasništvu (107 podnesenih zahjteva) nisu ni odobrena niti isplaćena novčana sredstva.

Nekoliko predmetnih zahtjeva za procjenu šteta bilo je od strane lica koja imaju prebivalište različito od lokacija koje zahvaćeno poplavama, a isti su imali štetu na poljoprivrednom zemljištu i usjevima.

Također, ovom prilikom skrećemo pažnju svima onima koji pokušavaju obmanuti javnost s dezinformacijama da to ne rade jer pokušavati ukaljati čast s dezinformacijama bilo koje osobe nije moralno, a isto može imati i pravne posljedice.

ČLANOVI KOMISIJE:

- |                                  |               |
|----------------------------------|---------------|
| 1. Zuhad Porčić, dipl.ing.       | - predsjednik |
| 2. Amel Bajramović, dipl.ing.    | - član        |
| 3. Senad Ždralić, dipl.ecc.      | - član        |
| 4. Mirela Osmančević, dipl.prav. | - član        |
| 5. Said Selimović, dipl.ing.     | - član        |

